

maiorum ex purgatorio, septem videt Missas fieri & finire, antequam ipse unam absolueret, dicentibus sacrificis, passa, passa, id est, propera perge, & remitte matri filium, nec diu detine. Audit quoque alios referentes verba sacrificorum nonnullorum, quomodo panem & calicem consecrare soleant, videlicet, Panis es, & panis manebis, vinum es, & vinum manebis.

Reuersus Vuitebergam, Doctor Theologie anno 1512. etatis suae vicesimo nono, factus est, eodem die, quo ante annos decem Academia in oppidum Vuitebergam introducta fuerat, qui dies Luca dedicatus est. Vix autem etiam de Electoris ipsius & Ordinis Augustiniani, & Academia consensu, petitione & voluntate, persuaderi Luthero potuit, ut gradum hunc sibi decerni pateretur. Cumque Staupicius ipsi significasset voluntatem omnium, respondit Lutherus, se imparrem esse & honori & oneri, & cum valetudine aduersa quotidie conflictari, monere igitur se, ut alius magis idoneus vocetur. Hanc excusationem Staupicius blando risu excipit, inquit: Apparet, praeforibus esse, ut Deo in caelis & in terris sint certa negocia breui expedienda, ad quae opus erit ministerio doctorum: idcirco sine viuas, siue moriaris, Deus utetur tua opera. Hanc ergo legitimam vocationem, qua Luthero postea magna consolationi in grauissimis tentationibus & diffici-